

Whakawhaititanga.

Ingoa.

- Ingoa Poto.
- Whakamaramatanga.
- Arai i te hoko o nga whenua i roto i te Apiti. Nga whiu.
- Arai i te hoko o nga whenua Maori.
- Kore mana o nga mahinga e araitia ana e tenei Ture. Kore mana ki te tango i nga moni.
- Ma te Komihana e tuhi nga pukapuka e takahi ana i te Ture.
- Pupuri i te mana hoko ki te Kuini.

Apiti.

He Ture hei aria mo tetahi wa i nga Whakahaerenga a nga tangata noa iho, mo nga whenua Maori i roto i tetahi Takiwa e whakaritea ana i Aotearoa.

NA KA MEINGATIA HEI TURE e te Runanga Nui o Niu Tirenī e noho hui hui ana i roto i te Paremete i runga hoki i te mana o taua Runanga nga whakaritenga ka whakaaturia i raro iho nei.

- Te Ingoa Poto o tenei Ture, ko "Te Ture Arai i te Tuku Whenua Maori, 1884."
- Ki nga ritenga o tenei Ture:—

"Maori," ara he tangata Maori o Niu Tirenī me te hawhe kaihe me ona uri tahi ko nga Maori.
"Whenua Maori":—ara nga whenua katoa e mau ana ki te Maori, ki nga Maori ranei, i raro i nga tikanga Maori, pewhea tona ritenga, me nga paanga me nga whaitakatanga katoa ki aua whenua.
- Muri iho i te mananga o tenei Ture kaore e mana tetahi tangata, e ia ake, tona kaiwhakahae ranei, ki te hoko ki te whakahaere ranei kia riro mai i tetahi Maori i tona kaiwhakahae ranei i runga i tetahi huarahi pewhea ranei, tetahi whenua Maori i roto i te takiwa e whakahuatia ana i roto i te Kupu Apiti ki tenei Ture.

Ki te takahi tetahi tangata i tenei tikanga ka tika kia whiua ia kia kaua e iti iho i te kotahi rau pauna a kaua e nuku atu i te rima rau pauna te whaina, me tango i runga i te ritenga o te Ture i te aroaro o nga Kai-whakawa tokorua maha atu ranei, ka tika ano hoki kia kawea ki te whareherehere kia kaua e nuku atu i nga marama tekau ma rua.
- I muri i te mananga o tenei Ture, kaore e ahei tetahi Maori ki te tuku, ki te whakaae ranei ki te tuku, ki te hoko ki tetahi tangata etahi tangata ranei, ki te whakahaere pewhea ranei e whiwhi ai aua tangata ki etahi whenua Maori, ki tetahi paanga whaitaketanga ranei i roto i taua takiwa, kaua hoki e hanga e tuhi e whakaoti ranei tetahi pukapuka e taea ai aua tu hoko tukunga pewhea ranei; haunga ia nga huarahi hei pera ka whakahuatia i muri ake nei.
- Ko nga kirimina whakaaetanga pukapuka pewhea ranei kua hanga kua tuhia kua whakaotia e takahi ana i tenei ture me kaua e whai mana, ko nga moni katoa kua utua kua whakaritea ranei kia utua kua kore e whairitenga i raro i te ture; a kaore e whai mana tetahi tangata ki te tono, ki te tohe i runga i aua whakaritenga he i aua kirimene i aua whakaaetanga ranei kua kore e whaimana aua tu pukapuka.
- I te mea e tukua ana tetahi pukapuka hoko ki te aroaro o tetahi Komihana i raro i nga tikanga o "Te Ture Arai Hoko Tahae 1881" kia whakamana e ia, a e kitea ana e ia i mahia hetia taua pukapuka e takahi ana i nga tikanga o tenei Ture me whakapiri ki taua pukapuka he kupu pera mana he mea tuhi nana; a ko nga pukapuka kua tuhia peritia e ia e kore e tika kia rehitatia kia whakahaerea ranei i raro i tetahi Ture mo te rehitatanga pukapuka i raro ranei i "Te Ture Tapae Whenua 1870," me ona Ture whakatikatika, kaua hoki e mana taua pukapuka mo te tukunga mo te whakaotinga ranei tetahi paanga whaitaketanga ki te whenua kua whakahuatia ana i roto.
- Kaua tetahi tikanga o roto o tenei Ture:—

E kiiia e arai ana i te Kawana ana ka hanga tikanga ia ki nga Maori no ratou etahi whenua i roto i taua takiwa mo te hokonga mo te rironga ranei i a te Kuini o aua tu whenua e hiahia ana nga Maori te tuku, i runga i nga tikanga e whakaaetia ai e ratou tahi ko te Kawana.

Kupu Apiti. TAKIWA MAORI NGA WHENUA O ROTO KUA EKENGIA E TENEI TURE.

TAUA wahi katoa kei nga Takiwa Porowini o Akarana o Taranaki me Werengitana, i rohea ki te Tuaraki

Whakate Hauauru ko Te Wharauroa Poraka no te wai o Aotea tae ki te awa o Waitetuna ka rere ki te Tuaraki whaka te Rawhiri ko taua awa ano Ko Waitetuna tae atu ki te whitikanga o tetahi raina tika mai i Maunga Tauhunui, piki atu te Karahiwi o Te Riki i te wahi e tapahia ana e te ara Maori, haere i runga itaua raina ka eke ki Maunga Tauhunui, maro tonu ki Pirongia rere tika tonu ki te ungututanga o te awa o Waipa me Puniu ka piki ki roto o Puniu me te awa o Owairaka tae atu ki tona matawai rere tika tonu ki te pakarutanga o te awa o Mangare ki Waikato haere i roto o Waikato whakarunga ki te kongutu awa o Waipapa, piko haere i roto o Waipapa eke noa ki tona kauru, rere tika atu whaka te Rawhiti ki te rohe o Te Tatua. Whangamata Poraka tae atu ki Taupo Moana, whakawhiti tonu ki tera taha ki te ngutu awa o Tauranga ka piki i roto o taua awa tae noa ki tona matapuna kei te tuahiwi o Kaimanawa ka haere i runga o taua hiwi ki te kaurutanga o Moaowhango. Ka heke i roto o taua awa hu noa ki Rangitikei, whakaheke tonu tae atu ki te rohe ki te Tonga o te Poraka o Otairi Nama 5, ka rere whaka te Tonga i runga i taua rohe tae atu ki te rohe taha Tonga o Otairi Nama 2A tae atu ki te awa o Mangapapa haere i roto o taua awa ruku noa ki te awa o Turakina whakaheke tonu ki te rohe o te taha Tonga o Maungakaretu Poraka, haere i runga i taua rohe whaka te Tonga whaka te Tonga ma Hauauru taea noa tia te awa o Whangaehu kau noa i roto o taua awa ka haere ma te Poraka o Heao me Para tieke tae atu ki te awa o Mangawhero, rere atu i kona ki te awa o Mungakowai, haere i roto o taua awa ki te whatinga o te rohe o Ohineiti Poraka ite taha Tuaraki whaka te Hauauru ka whakamarohia te rohe Tuaraki o taua Poraka tae atu ki te Poraka o Karewarewa me te Poraka o Parihousou o Aratowaka me Pukenui makere noa ki te awa o Whanganui haere i roto o taua awa whakawaho tae atu ki te puau o Wangamo-mona haere i roto o taua awa me te awa o Mangare eke noa ki tona matawai ka rere tika tonu ki te Hauauru tae atu ki te rohe rau patu o Taranaki haere i runga i taua rohe puta noa ki te moana ka whati ki te Hauauru haere tonu i te takutai tutaki noa ki Aotea, te wahi i timata mai ai.